

29. Ὡς θεὸς ἐνίκαι] Emendaueram olim, ὦ θεὸς ἐνίκαι. postea idem Porto in mentem venisse animaduerti.

33. Φιάλην λόγων] Pindari, opinor, imitatio est, sed nunc quidem is locus non succurrit. Quae autem vitiosa in hoc poemate fuerunt; ea, opinor, haud quisquam emendet abique manuscripti alicuius ope. Illa itaque ne tentem quidem, sed illustrem in vita Alexandri correctionem proponam. Describit Plutarchus; locus est p. 702. edit. Paris. mai.; lasciuiam exercitus Macedonici, choreas, commissiones, meretricum festos dies, omnia canticis, et tiliarum, fidiumque, sono, strepente; sic denique narrationem claudit: Τῷ δὲ ἀτάκτῳ, καὶ πεπλανημένῳ, τῆς πορείας παρείπετο ταῖς Φιάλαις, καὶ παιδιὰ Βακχικῆς ὕβρεως. Ad verbum erit, *Tam inconditum, et incompositum, agmen sequebatur phialis, et lusus Bacchicae licentiae.* Sed quid hoc phialis, et lusus? aut, si Graece | mauis, Φιάλαις, καὶ παιδιὰ? Nullus sensus erit, quin et oratio fuerit planissime σολοικίζουσα. quod nemo in dubium reuocabit. Pro ταῖς Φιάλαις legendum ὁ Φάλης. et ita locus ille Latine convertendus, *Tam incompositum, et vagabundum, agmen sequebatur Phales, et Bacchicae licentiae lusus.* Φάλης autem erat deus ille, qui pater omnium SS. ab Italis vocatus est, quem tamen vix satis honeste nominare queas; licet tanta eius vis, et potestas, sit, nemo ut post homines natos, nisi illo benigno, et propitio, sibi vnquam heredem procreauerit. Eius figura erat sane lepida, nempe ξύλινον αἰδοῖον. aliquando etiam δερμάτινον. Ei pompa in Dionysiis, seu Bacchanalibus, etiam fiebat; cuius exemplum habes apud Aristophanem in Acharnensibus.

36. Φλογερόν ἄστρον] *Caniculam* scilicet.

III. Τί καλόν] Hoc odarium vel perquam mediocri poeta indignum est.

Ode LVI. I. Πολιοὶ μὲν ἡμῖν ἤδη] Est vero, est, lector, Anacreontis, quod legis, si quid vnquam Anacreontis fuit.

7. Ἀνασαλύζω] Isthuc verbi haud memini vsquam legere me; neque a Lexicographis notatum fuit, ut recuater mille, et amplius, quae hinc inde olim collegeram.

Scio